

漳源州續志卷三

學校三

列女上

渾源州續志

調署渾源州知州豫章賀澍恩纂修

列女

夫松柏勁正不爭桃李之芳冰雪嚴凝詎絢雲霞之采在易坤道成女含章守貞或激而爲義烈或發而爲孝慈闡揚幽隱扶植綱維守土弗亟責將焉道第採訪不厭其博紀列惟求其實志乘所以傳信也茲自乾隆癸未以後續列八百七十八人其有前志所載未及旌顯者并於此次補詳庶得永光泉壤云爾

續列女

國朝歷年奏旌烈婦

邢周裔妻李氏儒家女也素知大義夫歿氏晝夜涕泣水漿併絕家人進以食氏曰吾尙欲苟全性命耶三日棺殮畢夜自縊柩側

全恒潤妻李氏夫歿氏痛夫情切誓以身殉絕粒數日猶以不速死爲恨遂服毒自盡距夫歿僅八日張延妻翟氏年二十歲延負薪墜崖隕命氏聞變奔赴以身殉歿獲免旣葬氏悲慟至失明或勸

再嫁因毀容斷髮越六日不食而死

張浩妻韓氏浩客死他鄉樞還氏痛哭誓不獨生營葬事畢服毒而死時年二十七

武生龔正雲妻左氏廩生大勇女也年十九于歸克共

婦職越三載正雲卒氏痛絕飲食夫死之九日自經以殉

蘭室妻王氏于歸六載室亡氏哀毀逾節誓不欲生既葬母憐其貧示改適氏弗從強之遂自刎而死
穆維鈞妻李氏年三十夫歿無子三日後自縊與夫

同葬

吳殿義妻高氏夫亡無舅姑亦無嗣其父以寡且貧
勸再醮不可逾年又使戚鄰婉導之仍不聽旣爲
暗擇門戶臨迎始語之婦不得已乃曰父爲女圖
者亦遽但相從免父他慮詰朝遂梳洗引鑱自刎
鄉里哀其義爲請旌表後有以詩詠其事者見藝
文

榮文光妻王氏夫歿慟哭幾絕眾力爲勸解氏忽斂
涕從容理喪事且與眾議安葬議畢避去家人覓

之已服毒身死矣時年二十七歲

童生

侯璽妻周氏璽赴府試染時疫身故氏聞訃痛不

欲生親戚曲爲勸解氏曰夫死妻殉理也遂絕食服毒身死距夫歿之日僅七日年二十三歲

白懷曾妻黃氏廩生廷杰女也素嫻姆訓尤熟婦工于歸後事翁姑甚善二十一歲夫歿以死自誓服藥之氏惟呼天而泣竟不食三日後服毒而死

章得培妻王氏二十一歲夫歿氏泣涕截髮以明無他葬夫後投繯以死面如生時鄉人咸嘉其節烈

趙福妻楊氏夫歿無遺孤可撫七日殉夫自縊

白生貴妻王氏夫歿氏晝夜號泣誓不欲生三日後

服毒身死

張觀政妻王氏夫歿誓以身殉絕粒數日而亡

熊亮采妻武氏夫歿欲殉夫自盡親戚曲爲解勸不

聽憂鬱成疾四十餘日而卒

張世玠繼妻王氏夫歿氏痛夫情切食不下咽三十

餘日而死

栗國棟妻郭氏夫歿氏悲痛無已一月內服毒身死

郭升恒妻程氏夫歿氏撫尸痛哭絕而復蘇者三移
時再哭再絕家人疑其一時氣塞多方求救及細
察其形乃知其痛夫情切服毒而死戚里咸哀之
賈級吏妻孟氏于歸月餘而夫歿舅姑與其父母逼
令改適氏曰容終吾夫之服嫁未晚也舅姑姑許
之而其父母陰爲擇配聘禮旣納氏父母始白於
氏氏佯許適夫家改嫁之曰飲毒而亡

田叔妻白氏于歸後夫病在床未及一月夫歿氏父
母以其年少勸氏改適氏不可自縊身死

舉人栗穎妻趙氏夫病卒於京訃音至人祕之不令氏

知防不測也夫柩旋里暫停於郡城外之栗氏園氏聞大驚未及見棺哭不能已嘔血十數斗不三日而卒遂與其夫同日合葬焉

廩生田稽繼妻張氏夫歿夫前妻遺子十一歲氏欲殉

夫以幼子未婚恐絕夫祀每對人言曰待兒娶媳吾從夫死同治三年鬼婦過門三日廟見氏服毒身死鄉人以爲從容就義

楊萬順妻劉氏夫故三日氏自刎而死

程烈婦殉難紀略

趙氏廣東清遠縣知縣程兆桂之副室係大同處士
趙先霖之三女年十五歸程公爲簪室隨程公之
任履任後凡可以佐程公利民濟物者脫簪珥典
質不恤程公調署廣甯縣事桂梧匪徒竄入廣甯
境撲城者再氏身常以利刃自隨比圍解程公見
之問曰若胡爲者氏曰脫當日有變故豈能從草
澤間求活耶程公每心敬之後程公回清遠縣防
堵賊匪數千人直搗清遠縣城城陷賊入公拔刀

自刎食糲破流血被面氏見程公諒無生理痛哭
大罵以利刃剖腹腹裂腸出口不能言漿滴不入
越日乃死事在咸豐甲寅七月十一日也死時年
二十八歲兩廣總督葉 據情入奏奉

旨着於山西原籍建坊入祠

貞女馮氏係州歲貢生忻州訓導馮輅之次女養親
終身守貞不字卒年八十有八墓在城北四十里
殷家莊村鄉人咸稱貞女墓同治五年奏旌

乾隆年奏旌節婦

葛溜妻白氏年二十一夫歿性孝謹教子遊庠食餽
七十一歲終

田發妻郭氏年二十三夫歿屢遭大故殯葬以禮茹
荼如齊壽八十一終

生員白維商妻李氏夫歿苦志守節撫孤成人

胡宗義妻白氏夫歿青年守節白首完貞

李深源妻張氏夫歿孝親撫子艱苦備嘗

白恩誠妻魏氏年二十夫歿無鬪事舅姑以孝聞撫

幼叔戒名金節而終

穆夢熊妻常氏夫歿年二十三守節撫孤以延一綫

卒年四十有三

姚壽名妻于氏夫歿恒松擬節煥水盟心

孫鵠妻侯氏夫歿甘心守節苦志成孤

郭制文妻任氏夫歿食糞守困全節而終

熊秉鏡妻白氏夫歿事親終老撫子成名

嘉慶年奏旌節婦

王用極妻張氏夫歿翁慮其守節中變託媒探其志

氏曰烈女無二志婦道以一終卽以手掩其

志金貞撫孤克立

生孫體仁妻穆氏于歸二載夫卽歿氏金石盟心篤
貞
於孝敬一子天亡撫孤以延先祀

張喬齡妻張氏夫歿養親撫子曲盡苦心

孟毓隆妻張氏夫歿壹志撫孤貞心守節

監生陳瑜妻鄒氏夫歿誓死靡他安貧若素

趙發妻侯氏夫歿恪守閨閑撫孤成立

張聖訓妻任氏夫歿氏翦髮供親斷機教子飲冰茹

藥鐵石完貞

任義妻李氏夫歿翁久病姑失明氏奉養曲盡嗣翁
姑及子同年亡氏典衣以葬憂傷備歷苦節而終
任連登妻李氏夫歿號天泣血履潔懷貞

敖盛世妻楊氏夫歿子甫三月其叔翁欲嫁之氏誓
死不嫁夫幼弟與己子俱成立

喬璋妻杜氏夫歿氏身事重闈孝敬不衰祖姑失明
氏竭力調治至於復明後撫子及孫皆以儒名

楊秉正妻溫氏夫歿堅冰在抱止水盟心

任騰甲妻李氏夫歿清操足式亮節可風

任素妻楊氏夫歿松筠勵節金石盟心

李生俊妻全氏夫歿家貧子幼艱苦度日從一而終
耿仰賢妻傅氏夫歿冰霜勵節金石同心

道光年奏旌節婦

郭永清妻邢氏夫歿父母以貧勸改適氏以富而失
節不若貧而完貞誓死守節撫前子至於成立

來先取妻馬氏夫歿翁痛子成疾每艱於食氏以乳
蒸米調養全愈尤勤於訓子鄉鄰以賢稱

姚廷佐妻郭氏夫歿氏苦志守節撫前子如已出次

子潤典中式武舉後二子俱逝氏復撫孫成立

薛文忠妻尙氏喪家貧氏竭力田間以事翁姑能盡孝道人皆貴之

文廷輔妻余氏夫歿無子勤婦工以奉翁姑後立姪爲嗣讀書成名

左敷治妻郭氏夫歿氏奉姑孝敬不衰子二俱業儒氏勤鍼黹以助讀二子相繼入泮

白鵬林妻柴氏夫歿無子氏傭作撫孫境愈苦節愈

堅焉